

三洞羣仙錄卷之九

三洞羣仙錄卷之十

第十

正一道士陳葆光撰集

郭無四壁劉有二因

真境錄郭文字文舉嘗於華陰山石室中得神虎內真紫元丹章值晉室衰乃負笈

入餘杭大滌山伐木倚林苔覆為舍不置四壁葛裘鹿巾區種菽麥及採茗以買鹽酪或餘食即施貧者乾符中封靈曜真君山中遺跡甚多

晉逸史劉麟之字子驥少尚質素虛退寡

欲不修儀操人莫知之好遊山澤志在逸嘗採藥至衡山深入忘返見有一澗水水南有二石因一因閉一因開深廣不得過欲還失道遇伐薪人問徑僅得還家或說因中皆仙靈方藥諸雜物麟之欲更尋

索終不知處也

孝成束帶自然綸巾

丹臺新錄梁諶字孝成諶好樂仙道年十七為道士即持齋誦經廣建功德濟諸苦厄視地而履恐傷含氣有鳥獸當衢每下

路避之見人卑恭泊然虛靜一旦謂弟子王子年曰吾屬良友待我於南津當往彼爾可知之乃束帶南出于年隨之惟覺雲氣鬱鬱繞覆林谷良久諶忽躡身騰霄條已不見遙聞鼓吹之音而已

本朝蒙求趙自然太平州人夢一人綸巾素袍鬚髮斑白自云姓陰引之登山曰汝有道氣教以辟穀法乃出青柏枝令啗夢中食之及覺遂不食

青巾佳客白衣老人

神仙傳陳希夷先生一日謂門人賈昇曰今日有佳客至速報少頃一人衣褐青巾扣門賈走報其人已行賈逐之見一老人衣鹿皮賈問前老人去遠否老人曰此是神仙李八百動則八百里而鹿皮老人亦不見先生曰老人者乃太清得道白鹿先生也今既不見鹿皮者又去吾不可久留乃返真

漢武傳武帝出遊岱山遇一白衣老人耳聳於頂髮垂於肩頭有數尺之光帝異而

問之老人曰予聞高山有萑蒲一寸九節服之長生遂不見帝曰此乃岳神也時王興聞之服萑蒲得仙

鄧丹一斗翁藥千緡

續仙傳處州松陽乃張天師修真之所鄧去奢慕前人之迹結菴以居朝夕焚修山南有一巨石嘗坐其上感神人告之曰天師丹劍在此石下可以取之師曰此石天設非人力可加神人曰勤修不息丹劍可致師如其言不三年神人送丹一斗劍一口師後施丹治病功成上昇

又賣藥翁莫知其姓名常提一大葫蘆賣藥人以疾苦求藥得錢不得錢悉與之無不神驗或戲問之有大還丹否曰有一粒厥直千緡人皆笑之以為風狂後於長安賣藥料撒其葫蘆已空只餘一粒安於掌中曰百年賣藥無一人買者深可哀哉今當自製藥方入口足下五色雲生騰空而去

銅牌誌鹿金盆射鵠

高道傳明皇狩于咸陽獲大鹿命庖人欲烹之張果奏曰此仙鹿也已滿千歲昔漢武元狩五年臣曾侍從畋之于上林獲此鹿乃放之時以銅牌誌於左角遂命驗之果然有銅牌二寸許但文字彫暗耳

又軒轅集玄宗嘗召入問長生可致乎集曰絕聲色薄滋味哀樂一致德施無偏自然與天地合德日月齊明雖堯舜禹湯之道自可致況長生久視乎及退又以金盆覆白鵠試之時集方休於館謂中人曰皇帝安能更令老夫射覆乎中人不諭其意上復令速至集纔及玉陛謂上曰盆下白鵠宜放之上大笑

李明合丹伯真探藥

茅山記李明長官避世不仕隱句曲鬱岡山合丹丹成而昇玄洲除天卿之任至今舊迹壇并存焉
真誥姜伯真入猛山中行道採藥奄遇仙人令伯真平倚日中其影偏仙人曰子知道之貴而篤志學之不知不正之為失君

欲使心正常以日出時錯手著兩肩上以日當心覺腹暖則心正矣常行之為佳
葛氏蛟帳女媧雲幕

徂異志九夷山樵者婦諸葛氏感時疾數日起白舅始曰新婦不唯疾手復且得仙矣俄出門乘雲而去又數日復回云天上樓觀皆碧玉碾成窻戶悉以珠窗綴蛟絲帳幔五色相照行空中燃不死之香我今暫來相看俄有五色車駕雙龍力士御之女童為從婦乘之冉冉而去

事始云女媧氏作雲幕又煉五色石以補天

劉安雞犬靜之龜鶴

續仙傳劉安即漢高祖之孫也安好神仙煉大丹丹成乃去時人傳云安臨去時有餘藥在器內置於庭中雞犬舐啄盡得昇天故人云雞鳴天上犬吠雲中
列仙傳蕭靜之絕粒學道一日掘地得一物似人手即時食之遇一異人告之曰子必餌仙藥矣子所食者肉芝也得肉芝食

者書齋龜鶴宜隱山林以期至道遂遁去
德休霹靂王興雲車

神仙傳曹德休自言從東海青嶼山來遊
於江西人見之三十餘年顏貌不改有疾
者以符藥救之無不愈有一女年二十餘
將聘於人忽有邪物所魅百方治之益甚
其父詣德休具陳病狀德休曰汝家居近
山溪有潭穴汝女春月閑步溪側為蛟所
窺以拘攝精魂入其穴矣可將吾一符投
於潭中少頃有驗投符後忽見潭水翻涌
水中霹靂聲須臾有一物浮出長二丈餘
形如烏蛇頭若大杓已斃死矣女病亦尋
愈

王氏神仙傳王興蜀人昔為蒲江主簿而
境有靈迹興喜之遂去官隱於山中九年
忽見洞中瓊花吐艷金蟾跳躍遂入洞中
得仙丹服之即時乘雲車上昇令人以洞
號王簿治自此始也

浮胡白豹雷公黃蛇
神仙傳施存真人號浮胡先生師黃蘆子

得三皇內文驅策虎豹之術隱衡嶽石室
山每跨白豹出入晉元康間白日騰昇
廣異記武勝之嘗於江灘見雷公逐一黃
蛇或以石投之鏗然有聲雷公飛去得一
銅劍有文云許旌陽真君斬蛟第三劍

無競懷果孫鍾設瓜

青瑣李無競入都調官至朱遷鎮有句者
喧爭於路一姬曰我終身乞句取得少金
此子貸去不償無競取金如所通數與句
者謝曰吾實通其錢君行路人能償之又
解其闕何以報德吾家在隆和曲筠柵青
簾乃所居也子能訪我否無競異之即往
馬入門見數句者擁爐共火喜見於色命
坐具小酌無競頗疑其人終不飲但濡唇
而已時大寒盤中皆夏果取小御桃三枚
懷歸句者以詩送曰君子多疑即多誤世
人無信即無誠吾家路徑平如砥何事夫
君不肯行無競至即取桃視之乃紫金也
後琢其金為酒器年七十面色紅潤豈酒
濡唇之力乎

幽寢錄孫鍾少時家貧種瓜瓜熟府三人
來乞瓜鍾為設瓜曰我司命也化白鶴飛
去

陵陽沆瀣曼卿沆瀣

列仙傳陵陽子春食朝霞夏食沆瀣是夜
半天地玄黃之氣也霞日初出青黃氣即
朝霞也

抱朴子項曼卿河東蒲坂人入山修道一
日有仙人來迎到天上見紫府金牀玉几
仙人飲以流霞一杯輒不飢渴忽思家為

帝所斥遂還河東呼為斥仙人
明皇紫雲元之絳雪

宣室志唐明皇夢仙子十餘輩御雲下
列於庭各執樂器而奏之其度曲清越殆
非人世也及樂闋有一仙子前而言曰陛
下知此樂乎此神仙紫雲曲也令傳授陛
下為唐正始音明皇甚喜即傳教焉及寤
以玉笛吹令習之盡得其節奏
仙傳拾遺申元之不知何許人開元中詔
至上都開元觀恩渥愈厚明皇與論道動

移晷刻嘗命趙雲容侍元之茶藥意甚恭
恪乘開乞藥少許以延其生元之曰我無
所惜但爾不久處世耳愈切懇告乃與絳
雪丹一粒曰服此丹死必不壞但能大其
棺廣其穴舍以珠玉踈而有風鬼不蕩空
鬼不淪翳百年外可以復生此為太陰煉
形之道後雲容從幸東洛病於蘭宮得以
此事白於貴妃如其所謂

道元觀燈知微說月

仙傳拾遺葉法善天師字道元開元初正
月望夜明皇移仗上陽宮以觀燈焉尚方
匠毛順心結綵樓三十餘間金翠珠玉間
廁其內樓高百五十尺微風所動鏗然成
韻以燈為龍鳳鸞豹騰擲之狀似非人力
上見大悅師曰影燈之盛固無比矣然西
京今夕之燈亦以如此適自彼來上異其
語今欲一往得乎曰此易爾於是令上閉
目俄而至焉上稱其盛者久之請迴復閉
目頃之已在樓下而歌舞之曲未終上於
涼州以鐵如意貫酒盃日命中使託以他

事求如意以還驗之非謬

三水小牘道士趙知微有道術中秋積陰
不解眾惜良辰知微曰可備酒肴登天柱
峯說月既出門天色開晴及登峯月如晝
至月落方歸下山則淒風苦雨陰晦如前

禦寇剖心道君剪舌

雲溪友議列禦寇墓在鄭郊有胡生者家
貧少為洗鑑鍍釘之業號胡釘鉸有美酒
茶果輒祭禦寇祠以求聰明夢一人刀割
其腹以一卷書致于心腑及覺乃能詩嘗
贈韓少府云忽聞梅福來相訪笑著荷衣
出草堂兒童不慣見車馬爭入蘆花深處
藏

廣異記夔州有道士王洪明舌長呼字不
正乃曰誦道德經忽夢道君為剪其舌既
覺語遂正

灰袋伴狂麻襦卓越

神仙傳蜀有道士伴狂俗號為灰袋程天
師之弟子也翟每戒其徒勿輕此人吾所
不及嘗大雪中布衣褐入青城山暮投關

若求宿僧曰貧僧一衲而已矣天寒如此

奈何灰袋曰一牀足矣夜半風雪益甚僧
意其卒往視之去牀數尺氣如蒸炊流汗
袒寢未曉不辭而去曾病口瘡數月狀若
將死村人素神之因為設齋齋散忽謂眾
曰試窺吾口中何物乃張口如箕五臟悉
露莫不驚異後不知所終

晉逸史麻襦者莫得其姓名石季龍時在

魏乞向常著麻襦布衣故時人謂之麻襦
言語卓越狀如狂者乞得米穀不食輒散
之頗顯神異與高僧圖澄極為交友
術驢蟲流王屣泉浦

神仙傳劊子訓嘗駕驢車與諸生俱詣許
下道過滎陽止主人舍而所駕之驢忽然
卒僵蛆蟲流出主遽白之子訓曰乃爾乎
方安坐飯食畢徐出以杖扣之驢應聲奮
起行步如初

節亭客話王客者失其名及鄉里常攜筇
望籃引一斑犬往來叩雙間以採藥為事
天禧戊午歲遊青城山迴臨印宰師仲冉

天禧戊午歲遊青城山迴臨印宰師仲冉

君之與語曰吾野人也久居城市頗思歸鄉誠有奉託宰亦莫諭其意一日獨攜笈往國寧寺於寺門下坐卒鄉者聞官塵之道左師宰聞之曰曩所言斯之謂乎遣吏往彼焚之發其屍顏貌如生四肢皆軟若熟麻焉頃之屍下清泉涌出浮屍而起遂就更衣沐浴以殮之

方遠辯慧道華愚惜

高道傳聞丘方遠字大方幼辯慧通經史昭宗累詔不起就錫命服賜號玄同先生羅隱每詣受書先生輒閉目授之曰隱才高識下蓋正容悟物故隱卒保終吉先生一日忽沐浴焚香端坐返真顏色不變異香三日不散時錢武肅夢先生騎鶴訪列明日計至及就廣但空棺而已

又侯道華常如風狂人人多侮之未嘗有愠色好讀丹經子史或問誦此奚爲曰天上無惡情神仙

楊雄墟墓周暢義塚

仙傳拾遺楊雄字子雲口吃善屬文王莽

篡位聞理獄使者欲來收雄雄恐不免時校書於天祿閣上自投幾死天鳳中辭疾還蜀卒於家乾符中進士趙郁臥疾於嘉州開元觀稍愈於殿上見一少年弊蓋羈衣白潔與郁並坐郁因言此觀巨功製作國力興創何乃俯逼殿後而有墟墓也嘗問郡人皆不知少年笑曰此漢相留侯之後辟強之孫天師之祖也爲南安太守歿於郡而葬於此乃說兩漢魏晉間事皆若目擊郁問以姓氏荅曰子雲姓楊乃強力隨之遂出門而去至今往往有見者

自然雷鳴法樂震擁

雲笈七籤馬湘字自然狀若風狂能治病有告之者湘無藥但以竹杖打病處或以竹杖指之口吹杖頭如雷鳴使愈或遊官觀巖洞多留詩句其登杭州泰望山詩曰

太一初分何處尋空留塵數變人心九天日月移朝夕萬里山川換古今風動水光舍遠嶠南添嵐氣沒高林秦皇謾作驅山計江海茫茫轉更深

高道傳道士張法樂居耿谷之西抱元守

一凡三十餘年雲生梁棟霞擁羣扉自號爲雲居觀久而道成猛虎馴伏侍側後屍解蟬蛻焉

李預餐玉王捷燒金

感應錄後魏李預得古人餐玉法乃採訪藍田躬往攻掘得若環璧雜器形者大小百餘枚預乃推七十枚爲屑食之及疾篤謂妻曰吾死體必當有異勿速殯令後人知餐服之妙時七月中旬長安毒熱預傳之四宿未殮而體色不變其妻常氏以玉珠二枚含之口閉妻謂曰君自云餐玉有神驗何不受珠言訖啓齒納珠因噓其口都無穢氣塞殮屍不傾委

灑水燕談江州王捷少商江淮間咸平中遇一人於南康逆旅衣道士服儀狀甚偉

投捷黃金術仍付以神劍具戒之曰非過人君不可妄泄後佯狂叫呼上饒市中配沈嶺南逃歸京師擲登聞鼓自陳宋真宗皇帝召與語悅之更名中正寓居中官劉承珪家數聞中正與人語聲如童子云我

賀瑒女筮秋夫鬼針

南史賀瑒字伯祖道養工卜筮經遇工歌女子病死為筮之曰此非死也天帝召之

歌耳乃土塊加心上俄頃而蘇

感應錄宋徐文伯東海人濮陽太守熙曾孫也好黃老隱居秦望山遇道士過求飲留一鉢瓢與之曰君子孫宜以道術救世當得二千石燕開之乃扁鵲鑑經一卷因

精學之遂名震海內其後秋夫彌攻其術仕至社陽令嘗夜有鬼呻吟聲恠悽秋夫問何人頃答曰某東陽人患腰痛死為鬼猶難忍請療之秋夫曰云何措法曰請為芻人按穴針之秋夫如言乃為灸針設祭

埋之明日見一人來謝忽然不見當世伏其通靈

盧度應鹿龜年辨禽

賢已集盧度有道術少時阻淮水不得渡過心誓曰若得免死從今不復殺生須臾

見兩楸流來接之得渡後隱居廬陵西昌三顧山鳥獸隨之夜有鹿觸其壁度曰汝壞我壁鹿應聲去屋前有池養魚皆名呼之次第來飲食而去

翰府名談白龜年乃白居易之孫於嵩山

遇李太白招之與語曰吾自水解之後放遁山水間因思故鄉西歸嵩峯中帝飛章上奏見辟掌殿奏於此今已百年矣近過潼關有詞曰曾宴桃源深洞一曲歌鸞舞鳳常記欲別時明月落花煙重如夢如夢

和淚出門相送乃出書一卷遺之曰讀此可辨九天大地禽獸語言汝更修陰德可作地仙也

上竈延頸老夫正心

括異志郭上竈天禧中嘗傭於東京州橋

滌器于茶肆有青巾布袍者神彩凜然疑其吕公也即走拜于前曰際遇先生願為僕廝先生曰若真欲事我可受吾一劍郭唯唯延頸以俟引劍將擊郭大呼已失公矣郭後尸解視其棺敗絮而已

廣記唐末有一老人攜壺賣藥於益州得錢則散與貧者常謂人曰夫欲人之無病必先正其心無亂求無狂思無嗜欲無迷惑則心無病而內之六腑雖有病不難治也老夫賣藥嘗以此告人矣一日詣錦江沐浴探囊取丹吞之遂化白鶴飛去

金闕帝君玉仙聖母

三洞珠囊云金闕帝君上相青童秉碧霞九雲流景雲輿飛青羽蓋上詣太上靈都宮朝三天靈錄之文也

玉仙傳聖母生於炎帝之代推其鄉里即武陽郡人也有絕世之容其親所配瑯琊家將以適矣聞鄰人曰瑯琊好感之士也聖母聞之遂泣而辭親登一小舟恣泛於大溟任風所送至仙都山在高麗國中也

其山上有峯曰玉仙峯中有洞曰玉仙洞
下有溪曰玉仙溪聖母泊於此山守志固
節後半年遇女華聖母口傳飛神入鼎之
道中源主神之法丹火養神之術得之而
成道玉仙號者蓋因山洞而賜名玉仙祠
前有方池嘗取玉仙溪水貯之後人投紙
以占災福

張忠安車董京環堵

晉逸史道士張忠永嘉之初隱于泰山服
氣食芝穴地窟為室弟子亦穴居其教以
形不以言朝廷累召所賜不受上曰欲屈
先生任尚父可乎忠曰昔避地與鳥獸為
侶年衰志謝不堪展效乞還故山從之以
安車送還謚安道先生
又董京時至洛陽披髮而行道遂吟詠嘗
宿於社中乞索於市結網自覆或有所與
金帛不肯受時太守就社與語曰方今堯
舜之時胡為懷道迷邦耶荅曰萬物皆賤
惟人為貴動以九州為狹靜以環堵為大
遂遁去不知所

冲素精素道全勤苦

真境錄精思院蓋冲素先生鄭元章所居
先生常齋居危坐纖介不入南華所謂用
志不分乃凝於神者其所以感動天上仙
人時降芝軒屬雲霞月白之夕惟弟子闕
聞得聽其論則世莫得聞也精思院在杭
州洞霄宮

神仙傳尹道全真人隱於衡嶽感上真降
謂之曰白日昇騰者當有其材而後成其
道汝受其一事而有冲舉之望斯乃勤苦
所得爾宿分所值矣遂授以五嶽真形圖
取其山之向背泉液之所出金寶之所藏
通而為之圖告曰汝能自修奉而獲感應
乃知文始之裔太和之族世有神仙矣言
訖而去道全於晉永嘉中上昇

貧士抱龍稚川除虎

野人閑話灌口白沙有泰山府君廟每至
春三月蜀人輒集忽一人鵝衣百結顏貌
憔悴亦往廟所眾人輕之行次江際乃坐
於石上逡巡謂人曰此水中有睡龍眾不

之應遂解衣入水抱一龍出腥穢頗甚深
閉兩目而不牙鱗角悉備雲霧旋合風起
水涌眾皆驚走貧士亦瞽然不見
神仙傳葛洪字稚川洪嘗養牛數為虎所
暴乃書符勅之見一人自稱高山君白洪
曰虎狼為害當已除之矣

三洞羣仙錄卷之十